



● DATUK Musa Hitam dan Tengku Razaleigh Hamzah bersalam mesa di akhir Perhimpunan Agung Umno ke 34, kelmarin. — Gambar Berita Harian.

KUALA LUMPUR, Isnin — Datuk Seri Dr Mahathir Mohamad telah membuktikan kemampuannya sebagai pemimpin berkali-kali dan bijak berpidato dengan ucapan dan pesanan yang bernas, tegas dan disulami dengan kata-kata lucu.

Perhimpunan Agung Umno ke-34 yang diadukan tamat jam 6.00 petang semalam terpaksa ditangguhkan hingga jam 7.10 malam kerana para perwakilan tertarik untuk terus mendengar ucapan Perdana Menteri lebih sejam.

Presiden Umno itu menjawab dengan tegas, jelas dan terang segala perkara yang ditimbulkan oleh perwakilan sepanjang tiga hari itu. Ucapannya lebih banyak

mengenal kepentingan orang-orang Melayu dan perpaduan Umno.

Datuk Seri Dr Mahathir memulakan ucapannya dengan memperkenalkan diri sebagai 'Che Det'. Tapi tahun lalu dirinya diperkenalkan sebagai 'Mahadiak anak Kedah'.

"Saya sebenarnya hampir lupa dengan nama timang-timangan saya itu. Tapi ada juga perwakilan yang menyen-

but saya sebagai 'Che Det'. Sebenarnya gelaran itu hanya disebut oleh isteri saya sewaktu di rumah," katanya.

Datin Seri Dr Siti Hasmah yang turut hadir di persidangan itu tersenyum sipu dengan kata-kata suaminya itu.

Sepanjang ucapan selama sejam itu, beberapa perkara lucu telah menggamatkan dewan seperti minat perwakilan untuk mengetahui nama kereta buatan Malaysia. 'Kelmarin, Umno hendak mencadangkan nama 'Perintis MK9'.

Menjawab soalan ini, Presiden Umno berkata: "Kalau begitu, saya nak masuk pertandingan untuk memilih nama. Saya dan Datuk Musa juga akan menyertai pertandingan itu," katanya bergurau.

"Saya akan mencadangkan nama Yamahathir, dan Datuk Musa mungkin mencadangkan nama Musashita atau Musabishi", katanya disusuli tepukan gemuruh para perwakilan.

Dewan bertambah gamat apabila Perdana Menteri menyentuh permainan bola.

"Apa yang ada dengan permainan itu, satu bola dikejar oleh 22 orang. Kan lebih baik jika disediakan 22 bola, setiap orang boleh menjangkakan gol sendiri," katanya berseloroh.

Tetapi para perwakilan lebih tertarik dengan ucapan bersemangat Datuk Seri Dr Mahathir mengenai semangat kebangsaannya terhadap bangsa Melayu. "Saya orang Melayu yang mempunyai cita-cita besar untuk memajukan orang Melayu. Saya tidak mahu kalah dengan sesiapa juga," tegasnya.

PM buktikan kemampuan sebagai pemidato cekap—Perwakilan

Bahan asal dari Arkib
Negara Malaysia

No. Siri 5889
206 / 86
No. Penerimaan.....